

26 OCT 2000

PELAWAT DIRAJA SAUDI DIANUGERAH GELARAN TUN

KUALA LUMPUR, 26 Okt (Bernama) -- Timbalan Perdana Menteri Kedua Arab Saudi, Putera Sultan Abdul Aziz Al-Saud hari ini menerima anugerah kehormat Seri Maharaja Mangku Negara (SMN) daripada Yang di-Pertuan Agong Sultan Salahuddin Abdul Aziz Shah di Istana Negara di sini.

Anugerah itu yang membawa gelaran "Tun", merupakan Darjah Yang Mulia Pangkuan Negara Pangkat Pertama yang biasanya dihadkan kepada 25 orang, tidak termasuk warganegara asing yang menerimanya sebagai anugerah kehormat.

Ia disampaikan oleh Seri Paduka semasa pelawat diraja Saudi itu menghadap baginda sebagai sebahagian aturcara lawatan lapan hari Putera Sultan ke negara ini bermula Selasa lepas.

Kunjungan Putera Sultan dan 164 anggota delegasinya yang termasuk empat putera Saudi dan tiga menteri kanan adalah hasil undangan Perdana Menteri Datuk Seri Dr Mahathir Mohamad.

-- BERNAMA  
NHA AZZ MAI